

## Engaschament

### Publicaziun

Princip	L'engaschament d'ina persuna d'instrucziun sa drizza tenor las disposiziuns da l'instituziun ch'è responsabla per la scola. Subsidiar-main vegnan applitgadas las disposiziuns dal dretg da personal dal chantun conform al senn (art. 34 al 2. da la lescha da scola).
Publicaziun en cas da permissiuns da dar scola	Plazzas da personas d'instrucziun (pensums cumplains e parzials) ch'èn vegnidas occupadas cun personas d'instrucziun che han ina permissiun da dar scola, schebain che lur attest d'instrucziun na correspunda betg al stgalim da scola, ston vegnir publitgadas a temp, q.v.d. avant la scadenza dal termin da desditga uffizial.

### Permissiun da dar scola

Princip	Persunas d'instrucziun che n'han betg in attest d'instrucziun che correspunda al stgalim da scola resp. che han in attest da l'exteriur, dovran da princip ina permissiun da dar scola da l'uffizi. Davart excepziuns decida l'inspecturat districtual cumpetent.
Prolungaziun	Novas permissiuns da dar scola ston vegnir dumandadas avant la scadenza da la durada da valaivladad.
Permissiun da dar scola da plirs onns	A personas d'instrucziun cumprovadas po vegnir dada ina permissiun da dar scola da plirs onns.
Dumonda	Permissiuns da dar scola ston vegnir dumandadas tar l'inspecturat districtual. Duvrai per plaschair il formular da dumonda correspondent per quest intent.
Custs	Per permissiuns da dar scola che vegnan dadas da l'uffizi per la scola populara ed il sport vegn messa a quint ina taxa. Quella importa 200.– francs.

### Relaziun d'engaschament

Princip	Las personas d'instrucziun èn emploiadas da l'instituziun ch'è responsabla per la scola (art. 34 da la lescha da scola).
Contract da model	En il senn d'ina recumandaziun duai il contract d'engaschament da model esser ina basa adattada ed equilibrada en la pratica per reglamentar la relaziun d'engaschament tranter l'instituziun ch'è responsabla per la scola e la persuna d'instrucziun.
Midada dal pensum	Davart ina reducziun resp. davart in augment dal pensum ston las personas d'instrucziun emploiadas (incl. las personas d'instrucziun spezializadas) vegnir infurmadas uschè baud sco pussaivel, il pli tard dentant fin mez favrer (art. 34 da la lescha da scola).

## Regulaziuns spezialas

Facilitaziun da vegliadetgna

Tenor l'ordinaziun davart la salarisaziun da las persunas d'instrucziun (art. 6 al. 3) vala: Ina facilitaziun da vegliadetgna da duas resp. da trais lecziuns vegn concedida a partir dal cumenzament da l'onn da scola che la persuna d'instrucziun cumplenescha il 55avel resp. il 60avel onn da vegliadetgna. Il di da referenza per la facilitaziun da vegliadetgna vegn fixà da l'instituziun ch'è responsabla per la scola. Ils custs per la reducziun dal pensum van a donn e cust da l'instituziun ch'è responsabla per la scola.

Lecziuns da discussiun en classas pitschnas integradas (CPI)

Ils inspecturats districtuals recumondan a las instituziuns ch'èn responsablas per la scola

- d'indemnisar las pedagogas curativas ed ils pedagogs curativs da scola, che instrueschan en ina CPI, sco suonda per discussiuns e per la collavuraziun cun tut las persunas participadas:
  - a) en cas d'in pensum da 75 % e dapli (q.v.d. dapli che 22.5 lecziuns cun scolaras e cun scolars da CPI) cun duas lecziuns supplementaras per emna;
  - b) en cas d'in pensum da 15 fin 22 lecziuns d'instrucziun cun ina lecziun per emna;
- d'indemnisar supplementarmain las persunas d'instrucziun da classas regularas sco suonda per discussiuns e per la lavur supplementara:
  - a) cun ina lecziun per emna, sche almain dus uffants d'ina classa regulara van en la CPI;
  - b) cun ina lecziun per emna, sch'ina classa regulara ha in u plirs uffants en il senn da la scolaziun speziala integrativa.

Uffants da lingua estra

Lecziuns per promover uffants da lingua estra na fan betg part dal pensum obligatoric. Questas lecziuns vegnan pajadas e subvenziunadas separadamain (directivas per la scolaziun d'uffants da lingua estra).